

Te Heheuraa Api

E ITE ʻIA OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALEZIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 faranz i te matahiti.

Nº 9

-- TETEPAPA 1952 --

MAT. 39.

Area rá, te ora ra Iehová, o tei aratai mai i te tamarii a Isaraela mai te fenua i te pae i apatoerau ra, e mai te mau fenua mai i tiahia atu ai ratou e ana; e faaho'i mai hoi a ia ratou i to ratou ihora fenua, i horoahia'tu e au no to ratou ra mau metua. Ieremia 16:15.

A Haere mai na Outou i Rapae
E Au mau Taata.

Te riro nei te haaputuputuraa ia Isaraela ei faahope-
raa'i ta ratou haapurararaahia. Ua tohu te mau peropheta
i tei te matamua e tei te hopea atoa hoi. Na mua e na muri
i to'na tia-faahou-raa. Ua riro to Iesu iho mau farereiraa
i te mau amaa êê o te ati Isaraela mai te parau tohu te huru
no te faaho'i-faahou-raa i ta te Fatu feia i to ratou mau
fenua tahito, e te faariroraa i te mau mamoe i purarahia ei
hoê nānā rahi, e o Oia te Tiai Mamoe i nia iho i te
taatoaraa.

Tei raro nei te mau tohuraa rahi na Iuda no te Haapututuraa:

Ta Isaia—"E Na'na e hopoi i te tahi tapao no te mau fenua i nia ra; e Na'na e haaputu mai i to Iseraela i faaruehia ra, e amui mai hoi i to Iuda i haapurarahia ra, mai na hopea mai o te fenua e maha atoa ra."—Isaia 11:12.

"E mauê ratou na nia i te tãpono o te Philiseti ra i te pae i te tooa o te râ ra."—Isaia 11:14.

"E riro hoi i te aratai mau no te toea o to'na ra taata, o tei moe, mai Asura maira; mai to Iseraela ra i te mahana i haere mai ai oia mai te fenua ra mai Aiphiti."—Isaia 11:16.

Ta Ieremia:—"Tataihoê ta'u e rave i to te oire hoê, e tataipiti hoi i to te opu hoê, a aratai ai au ia outou i Ziona."—Ieremia 3:14.

"Te na ô maira râ Iehova, Te fatata maira te tau, e ore e parau-faahou-hia e, Te ora ra Iehova, o tei aratai mai i te tamarii a Iseraela mai te fenua maira mai Aiphiti:

"Area râ, te ora ra Iehova, o tei aratai mai i te tamarii a Iseraela mai te fenua i te pae i apatoerau ra, e mai te mau fenua mai i tiahi atu ai ratou e ana; e faaho'i mai hoi au ia ratou i to ratou ihora fenua, i horoahia'tu e au nō to ratou ra mau metua.

"Inaha, e tono vau i te vea e tii i te feia ravaai e rave rahi, te na reira maira Iehova, e na ratou e ravaai ia ratou: e oti a'era, e tono vau i te vea i te feia anau e rave rahi, e na ratou e anau ia ratou i te mau mou'a atoa ra, e te mau aivi atoa ra, e i roto i te mau apoo atoa o te mau mato ra."—Ieremia 16:14-16.

“Inaha, e aratai mai au ia ratou mai te fenua i te pae i apatoerau, e haaputuputu mai au ia ratou mai te mau hopea mai o te fenua ra.”— Ieremia 31:8.

“Ua riro hoi au ei metua no Iseraela, e o Epharaima, o to’u ia matahiapo.

“Faroo mai i te parau a Iehova, e te mau fenua e, e faaite outou i te mau fenua roa ra, a na ô atu ai, O tei haapurara ia Iseraela, na’na ia e haaputu ia’na, e na’na oia e tia, mai te tia mamoe ra e tia i ta’na ra nānā.” Ier. 31:9-10.

Ta Iesu Mesia: “E e parau-haere-hia te evanelia o te basileia nei e ati noa’ e teie nei ao, ia ite te mau fenua atoa. O te hopea ihora ia i reira ra.” Mataio 24:14.

“E na’na e tonono i ta’na ra mau melahi ma te pu oto rahi ra, e na ratou e haaputu i to’na feia i maitihia ra no na apoo mata’i e maha ra, mai te tahi pae ra’i e tae noa’tu i te tahi pae ra’i.” Mataio 24:31.

Ua tohu atoa te Mesia i te ati Nephi i te haaputuputuraa i te Utuafare o Iseraela; e ua ite atea Ioane i taua haaputuputuraa i roto i ta’na orama rahi i nia i te motu ra i Patamo.

Te faaite papu mai nei te parau tuatapapa o te hanere matahiti i mairi a’enei i te faatupuraa oioi e te maere o taua mau tohuraa ra. Ua mau te Melahi mai te ra’i mai i te fenua nei ma te Evanelia e tia i te vairaa, e te a’o-faahou-hia nei te parau ta’na i afai mai i te ao atoa nei, ei ite hopea i te mau nunaa.

Ua tupu ta Iesu parau no te hopoiraa i te tahi Tapao no

to Iseraela haaputuputuraahia, na roto i te faaho'i-faahou-raa i te Evanelia e te haamauraa i te Ekalesia a Iesu Mesia i teie anotau hopea nei. I reira hoi i haamauhia'i te hoê aveia haaputuputuraa no te mau tamarii tamaroa e te mau tamarii tamahine na Epharaima, te huaai matamua no to Iakoba utuafare tei "fanau-faahou", oia hoi tei farii i te haapaoraa na Iesu i te mau mahana hopea nei. E o ratou hoi ia te matamua o te mau amaa i tâpu-ê-hia atu i to Iseraela raau olive tei poi faahou e tei faahotu mai i te huero maitai.

Hou te haaputuputuraa i te taatoaraa o te feia maitihia, ia faaho'ihia te mau taviri o te haaputuputuraa e tia'i. No reira, ia tae mau a'era te taime tia, ua tuuhia ia taua mau taviri ra i nia iho ia'na tei faatia i te Ekalesia i te Mau Mahana Hopea Nei. O Mose, tei mau i taua mau taviri ra i te taime i haere mai ai to Iseraela mai Aiphiti maira, o oia te vea tei faaho'i mai i te reira mau taviri. Te vahi o te faaho'iraa tei te Hiero i Ketelani ia, i te avae Eperela, i te matahiti 1836, o te taime ia. I te faaiteraa mai i te reira vahi, ua haapapû roa Iosepha Semita raua Olive Kauderi e, ua iriti-ê-hia atu te paruru i to raua na aau, e ite atura raua i te Fatu, oia hoi ia Iehova, o tei poro mai ia raua e, o oia te faaora o te taata nei. Te na ô mai nei â ta raua parau tuatapapa:

"E oti a'era te reira orama, vetea faahou maira te ra'i ia maua, fâ maira Mose i mua ia maua, e tuu maira ia maua i te mau taviri no te haaputuputuraa ia Iseraela no na otia e maha o te fenua nei, e no te aratairaa mai i na opu tino ahuru aore mai te fenua o te pae apatoerau."

I reira te haamataraa o te ohipa rahi, te tumu ia i horoahia mai ai taua mau taviri ra. E faaineineraa te taatoaraa tei horoahia na mua i te reira. Tei na tufaa fenua i Niu Iota e i Penevania te faafariuraahia o te mau melo matamua no te Ekalesia "Momoni"; e te pae fenua ia i haamata ai te Ekalesia i te tupu. Tei Ketelani, Ohaio, râ te fenua tumu o te basileia. Tei reira te vahi i patuhia'i te hoê Hiero. Tei reira hoi te faatia-roa-raa i te Autahu'araa hou te haapono-raa'tu i te Evanelia i te mau fenua êê, e te haaputuputuraa mai ia Iseraela i te Fenua o Ziona. Hou te matahiti 1831, te poro haere ra "te mau ravaai taata" i te Hau Amerika e i Canada hoi. I te reira taima râ, na tonohia-ratou i Europa e i te mau fenua moana nei.

No Beritane mai te mau taata matamua tei faafariuhia i te Ekalesia, e tei tae mai i Amerika ra mai te fenua ê e te atea ê maira. Ua tapae ratou i te oire Navu, i Ilinoi, i te matahiti 1840. I na matahiti e rave rahi i muri a'era, ua rahi roa te mau taata tei faarue i to ratou fenua a'ia, e tei amui i te Feia Mo'a i te faarahiraa i to te Ekalesia. Te reira ia te haamataraa o te haaputuputuraa mai ia Iseraela i te Fenua o Ziona. "Tataihoê ta'u e rave i to te oire hoê, e tataipiti i to te opu hoê." I te taima i faaite mai ai Ieremia i ta'na tohuraa, ua rahi a'e te mau utuafare (te mau opu) i reira i tei ite i teie nei. E nehenehe hoi ia i reira ia faa'i te hoê noa iho utuafare i na oire rii; ia ore ia, eaha i ore Ieremia i parau ai e, "Tataihoê ta'u e rave i to te opu hoê, e tataipiti i to te oire hoê?" Area râ, noa'tu te auraa o taua tohuraa ra mai tei papaihia i roto i te Bibilia e tei

mana'ohia, ua tupu roa ia na roto i te putuputuraa o te mau taata, "tataihoê i to te oire hoê" e "tataipiti i to te opu hoê".

"Te tāpono o te Philiseti." Te auraa o tana parau ra, o te mau ravea ohie e te oioi ia no te mau Etene; oia hoi, te mau pahi auahi, te pereoo auahi, e te tahi atu â, tei rave-maitai-hia e te Atua o Iakoba i te afaíraa mai i Ta'na feia maite mau fenua êê maira i roto i te mau peho e i nia i te mau vahi teitei i nia "i te mau mou'a teitei o Iseraela."

Ua parau-tamau-hia e vetahi e, ua ore na opu tino ahuru aore no Iseraela tei afai tîti-ê-hia atu i te matahiti 725 hou te Mesia ei feia taa ê. Ua mana'o-papû-hia hoi e ratou e, ua haapurarahia ratou i te matamua, e i teie nei, ua amui-muihia ratou i rotopu ia ratou tei afai tîti ê atu ia ratou. Ahiri e, e parau mau teie, e aita taua mau opu ra i vai taa ê â i te taime i farii ai Iosepha raua Olive i te mau tavirino te haaputnputuraa, eaha raua i parau pâpû roa ai no "te aratairaa mai i na opu tino ahuru aore mai te fenua i te pae apatoerau?" E te reira hoi i muri a'e i ta raua mau papairaa no "te haaputuputuraa ia Iseraela no na otia e maha o te fenua nei." Eaha te faufaa ia faaite riirii no na Opu Tino Ahuru Aore, ahiri e, ua ore roa ratou ei feia taa ê? No te aha i horoa atu ai to tatou Hiroo Faaroo i taua mau opu ra i te hoê faahitiraa taa ê?

E parau mau hoi ia e, aita taua feia ra i itea ia vetahi i te pae apatoerau roa—i te vahi ta te tahi mau taata i mana'o i tuu ia ratou,—aita râ te reira i haapapû mai e, aita Na Opu Tino Ahuru Aore i vai taa ê â. O te parau

tutuu ia,
pae apatoerau
pae apatoerau
vahi noh
parau no

Te
mau" i t
mai "Te
na ô mai
pii i roto
outou, ha
oe taata,
ratou ma
au ia rat
e te mata
roohia-at
nei."—I

E
te taime
apatoerau
e e faaroo
ratou e ti
e tahe ma
tupu mai
ite na oia
Ofai— e t
paha oia
noa te m

tutuu ia, e ere râ ia te heheuraa, tei faanoho ia ratou i te pae apatoerau roa. "Te fenua apatoerau," "te fenua i te pae apatoerau," o na faataaraa Bibilia teie no to ratou vahi nohoraa ite-ore-hia. E mana'o noa ana'e te toe o te parau no to ratou vahi nohoraa.

Te faaite afaro ra ta Isaia parau faatano no te "Aratia mau" i taua mau opu i moe ra; e no to ratou ho'iraa mai mai "Te Fenua Apatoerau", te na ô mai ra Ierimia: "Ua na ô maira hoi Iehova, A himene ma te oaoa ia Iakoba a pii i rotopu i te feia rarahi o te mau fenua ra; e faaite hua outou, haamaitai â outou, e na ô e, E faaora e Iehova, i te oe taata, i te toea o Iseraela. Inaha, e aratai mai au ia ratou mai te fenua i te pae i apatoerau, e haaputuputu mai au ia ratou mai te mau hopea mai o te fenua ra; o ratou, e te matapo, e te pirioi atoa ra, e te vahine hapu, e tei roohia-atoa-hia e te mau iui ra; e feia rahi tei ho'i mai i ô nei." —Jeremia 31:7-8.

E te haamana'o atoa ra Iosepha Semita i taua vahi ra i te taima ta'na i papai: "E o ratou te parahi i te fenua ra apatoerau, e haamana'ohia ratou i mua i te aro o te Fatu, e e faaroo to ratou ra mau peropheta i To'na re'o, e eita raton e tia i faahou â, e tairi ratou i te mau mato, ei reira, e tahe mai ai te pape paari i raro i mua i to ratou aro. E tupu mai te hoê e'a teitei i ropu i te moana rahi." Ua faaite na oia i te haereraa o te Feia Mo'a i te Tupuai Mou'a Ofai—e tufaa fenua ano e te taata-ore i reira—e te feruri ra paha oia i taua mana'o ihora a parau atu ai oia e: "E tupu noa te mau roto papé i roto i te medebara ra; e ore te repo

fenua e veavea e vai â ei repo mărô.”

O te ati Epheraima ia o tei faateitei i te Tapo no te Haaputuputuraa. E i te ati Epheraima ia e “hopoi mai ai ratou i ta ratou mau tao’a faufaa rahi,” e no to Epheraima e tae mai ai to ratou mau haamaitairaa i te pae varua. “E rurutaina atoa te mau otia no te mau aivi mure ore ra, i mua i to ratou aro.” Ua faaite-atoa-hia te mau parau no te opu o Iuda i roto i taua tohuraa ihora. E ere râ te fenua o Ziona, e aore râ te Ierusalema Apî, to ratou vahi haaputuputuraa, Ierusalema tahito râ ia.

A faaroo mai, E Iseraela! Te mau tamarî a te Faufaa! Te mairi nei te tau poiri. Tei te aahiata o te mahana haaputuputuraa tatou.

To outou taeae i te Faaroo Pou Moo

Te Vahi e Haerehia e Tatou i Muri a’e i te Poheraa

U A rahi te mau taata tei faaite mai ia’u e, ia pohe tatou e tae vave atu tatou i te ao ra. Ua uiui au ia’u iho e, ia pohe au, e tae vave atu anei au i mua mau iho i te aro o tei hamani-mai ia’u ra?

A hi’opoa rii na tatou i te mau papairaa i roto i te Bibilia no nia iho i taua vahi ra, te na ô mai nei te Bibilia e, “E to matou Metua i te ao ra”. (Luka 11:2:) te tahi vaehaa, “E parahi mau mai â te Atua i te ao nei? Inaba

hoi, te r
e tae atu
Arii 8:2

T
parahi r
ao. Ea
A hi’o n
e haapap
varua i
atu ai ia
menema

E
“I parau
faahapal
ratou i t

U
haere te
poheraa

U
mau vah

e te Luk
tohu e te
rohaere

E
nei te pa
o tau Me
E te na ô
mahana,

hoi, te ra'i nei e te ra'i teitei roa ra, e ore oe e mau i reira e tae atu ai i teie nei fare i faatiahi e au nei." (Te Mau Arii 8:27.)

Te ite nei tatou i na vahi faufaa rahi e piti, oia hoi, te parahi ra te Atua i te ao ra, e te vai atura te tahi atu â mau ao. Eaha râ ia te tahi vahi faufaa no nia i taua parau nei? Ahi'o na tatou i te parau a Petero I, 3:19; na te reira ia e haapapu mai ia tatou nei e, "i a'o atu ai Iesu i te mau varua i vai na i roto i te tapearaa." I nafea Oia i a'o atu ai ia ratou ra, maoti râ, a vai ai To'na tino i roto i te menema?

Eaha Oia i a'o atu ai ia ratou ra? Teie ia, oia hoi, "I parau-atoa-hia'tu ai hoi te evanelia i te feia i pohe ra, i faahapahia'tu ai ratou e te taata i te tino ra, te ora ra râ ratou i te Atua i te Varua ra." (Petero 1, 4:6.)

Ua parau a'enei tatou i te tahi vahi faufaa, oia hoi, ua haere te mau varua i te fare tapea i muri a'e i to ratou poheraa.

Ua faaitehia a'enei teie fare tapaeraa i te tahi atu â mau vahi. E, ua faaitehia ia i roto i te Isaia 42:7; 61:1; e te Luk 4:17-21. Ua faaite mai Iesu e, No'na ia teie nei tohu e te tahi pae o Ta'na ra mau ohipipā, no te mea, ua porohaere Oia i te ora i te mau tîti.

E teie nei, a tai'o atoa tatou i te Ioane 14:2; te na ô nei te papairaa e, "E rave rahi te parahiraa mau i te fare o tau Metua ra; ahiri aita râ, ua parau atu ia vau ia outou." E te na ô atoa mai nei te tahi vahi e, "E anaana ê to te mahana, e anaana ê to te marama, e anaana ê to te mau

fetia, e huru ê hoi to te tahi fetia i to te tahi i te anaana.” (Korinetia 1. 15:41.)

E i roto i te Luka 16:22-23; ua faaitohia mai e, “E pohe ihora hoi taua taata tao’a rahi ra, e tanuhia ihora; e ati atura oia i te mauini rahi i hade, nânâ a’era i to’na mata i nia, ite atura ia Aberahama.”

Ua parau atoa’tu Iesu i te hoê o na taata eiâ haru i faatatauro-atoa-hia ra, ei Paradaiso oe e o vau atoa i teie nei â mahana. (Mataio 27:44; Luka 23:43.) E i roto i te Apokalupo 20:14; ua faaitohia i reira te parau no te roto auahi ra.

Na roto mai i teie mau irava nei i ite ai tatou e, e rave rahi te mau tufaa i roto i te ao a muri atu, oia hoi: 1, te ao ra, 2, te ra’i teitei roa ra, 3, te fare tapearaa, 4, Paradaiso, 5, o Hade, 6, o te roto auahi. E no reira e haavare iho â ta te mau haapaoraa êê, a parau atu ai e, aita atu parahiraa e vai nei, maori râ, o Hade, e o te ao ra. E a vai noa’i teie nei mau parau pâpû i mua ia tatou nei, eaha e tia’i ia tatou ia faaroo e ia tiaturi i te tahi vahi ê?

E rave rahi te parahiraa mau i te fare o tau metua ra; no te papu o teie nei parau, ua nehenehe noa i te tamarii ia haroaroa i te reira,

E te nafea maira hoi Paulo i Korinetia 1, 3:8? Teie ia, “E rave te tahi e te tahi i ta’na iho utua mai te au i ta’na ihora ohipa.” E ia tatarahia te auraa mau, teie ia: Ia pohe tatou e noa ia tatou te utua e au i ta tatou mau ohipa i te pae au tino nei; e ia ore e noa ia tatou te utua i hinaarohia, e ere ia no te hape a vetahi ê, no tatou iho ra.

Na roto i
maitiraa
muri atu
Mo’a (i p
basileia r
F. S. 70
basileia i
ia, e te b
Teretetier
mau fetia

A

a feruri n
“e rave t
ihora ohip
ia ruri ê i
ta’na utu

E

basileia T
hanahana
22.) E c
i te basile

E

ia e tia’i.
hanahana
mai na ro

E

ai tatau e
mau mea

Na roto i te haapiiraa a Paulo i ite ai tatou e, tei ia tatou te maitiraa i te hoê o na basileia e toru i rotou i taua ao rahi a muri atu ra, E na Iosepha Semita, te peropheta no te Feia Mo'a (i parauhia Momoni), i horoa mai i te i'oa no taua na basileia ra, mai tai faaitetia i roto i te B. F. 76:96-100; B. F. S. 76. E tera mai ia taua mau i'oa ra, oia hoi, o te basileia i au to'na hanahana i to te mahana ra, o Tiretiaera ia, e te basileia i au to'na hanahana i to te marama ra, o Teretetiera ia, e o te basileia i au to'na hanahana i to te mau fetia ra, o Tiretia ia.

A haamana'o noa'i tatou i teie na basileia e toru nei, a feruri maite atoa i ta Paulo i parau mai, a na ô mai ai e, "e rave te tahi e te tahi i ta'na iho utua mai te au i ta'na ihora ohipa." (Korinetia 1, 3:8.) E eita roa e nehenehe ia ruri ê i teie mau parau mau, oia hoi, e noaa i te taata ta'na utua i au i ta'na ihora ohipa.

E o tei ore hoi e tia ia'na ia haapao i te ture no te basileia Tiretiera ra, e ore atoa ia e tia ia'na ia farii i te hanahana no taua basileia ra. (B. F. S. 85:50; B. F. 88:22.) E o tei ore e tia ia haapao i te reira ra, e farii ia oia i te basileia i raro a'e e tia'i.

E no reira, ia hinaaro taton i te utua maitai, e faaitoitio ia e tia'i. E ere anei i te mea tia ia ohipa noa tatou no te hanahana teitei roa'e? E, e hau roa'tu te faufaa e noaa mai na roto i te reira ohiparaa.

E teie nei, na roto i teie mau parau i papaihia ra i ite ai tatau e, e rave rahi te mau ao ra. No reira, eaha ia te mau mea i tupuhia i te taata ia pohe oia?

I te taime e pohe ai te tino ua reva atu te varua i te ao varua ra. Ua na ô atura i te taata eiâ haru i nia i te satauro ra e, "ei paradaise ia oe e o vau atoa i teie nei â mahana." Ua parauhia e, ua haere tia'tu Iesu mai ô nei atu i te ra'i.

Ua na reira anei oia? A haamana'o râ i teie, "E toru mahana i muri a'e i to'na tuu-raa-hia i roto i te menema, oia hoi i te mahana i tia mai ai oia ra i nia mai te pohe maira," ua parau atura oia ia Maria e, "eiaha e tapea mai ia'u aore â vau i tae i nia i ta'u metua ra." (Ioane 20:17.)

E i roto i te tahi tuuraa parau, ua na ô maira oia e, aita â ia vau i tae i te ao ra. Aita atoa te taata eiâ haru i tae i reira, no te mea, ua faaite pâpû maira Iesu e, hoê ia vahi ta raua i haere.

Ua haere râ oia i hea? Ua haere oia i paradaiso i te vahi i faaea'i te mau varua o te feia i pohe ra, e i reira i a'o atu ai oia i te Evanelia i te mau varua i roto i te fare tapearaa, ei ravea faaora no ratou o tei pohe, e aita i faaroo i te Evanelia, e o ratou atoa o tei faaroo i te Evanelia, e aita i farii. E nehenehe ia ratou ia farii i te Evanelia mau i reira, e aore râ, eiaha. E ia ore te taata e fanau i te pape e te varua, e ore oia e ô i te basileia o te Atua ra. (Ioane i te pene toru e te irava pae.)

E no reira, e mea tia roa ia riro tatou nei ei mono i te baptizoraa e te faaipoiporaa hoi no te pae varua, no te mau varua i roto i te fare tapearaa, tei ore i faaotihia to ratou ohipa a ora'i ratou. E te haapaohia nei taua ohipa nei i roto i te mau Hiero Mo'a o te Atua ra, e o te reira ia

te tumu m
Mau Maha

E n
ao nei? I
roa ia, e h
ra, eiaha
ia haere n
e pô noa't
mai rahi i
mai ta to
ia teie tei
tahi pae o
matahiti,

E i
reira e ara
raa, e i ta
te pohe m
parau-tia
te taata'to

E o
i te basile
Mure Ore

E o
Teretetier
roto i tau
parahi no
ta'ua mau
aore roa e

te tumu mau i patuhia'i te mau hiero e te Feia Mo'a no te Mau Mahana Hopea Nei.

E nafea ratou o tei farii, e ua haapao i te Evanelia i te ao nei? E haere afaro roa'tu anei ratou i te ao ra? Eita roa ia, e haere atoa ra ratou i te vahi i faaea'i te mau varua ra, eiaha ra i te tapearaa, i te tahi vahi e ra e tia'i ia ratou ia haere noa i mua. Eita ra ratou e faaoto noa i te Kinura e po noa'tu te mahana, no te mea, e fiu roa te taata faaoro-mai rahi i te reira huru. Te vai ra ra ta ratou ohipa i reira mai ta to te ao nei. E i to te Mesia taeraa piti mai, o ratou ia teie tei roaa ia ratou te tia-faahou-raa matamua, area te tahi pae o te feia i pohe ra, ia hope roa ia e hoê tautani matahiti, e ora faahou mai ai ratou. (Apokalupo 20:5.)

E ia hope taua hoê tausani matahiti ra ma te hau, ei reira e arataihia mai ai te feia hara no roto mai i te tapearaa, e i taua taime ihora, o to ratou ia tia-faahou-raa mai te pohe maira, e ei reira e haavâhia te taatoaraa, o te feia parau-tia e te feia parau-tia ore atoa hoi, e e faautuahia hoi te taata'toa mai te au i ta ratou ihora mau ohipa.

E o ratou o tei noaa te utua maitai roa ra, e ô ia i roto i te basileia Tiretiera, e e parahi mau i pihaiho i te Metua Mure Ore e a muri noa'tu.

E o ratou o tei noaa te utua i au i te ture o te basileia Teretetiera, e ô ia i roto i taua basileia ra, e o tei ore e ô i roto i taua basileia ra, e ô ia i roto i te basileia i raro a'e, a parahi noa'tu ai i reira. E ei reira'toa e hurihia'i Satani e ta'na mau melahi i roto i te roto auahi, e to ratou hopea, aore roa e taata i ite i te reira.

E no reira, a ara mai, e a imi noa hoi i te auraa no teie mau mea, ia ore tatou ia riro mai te tahi pae no te feia tahito ra te huru, e nânâ'tu ai i te mata i nia, a ite ai ratou i te mauui rahi i hade. (Luka 16:19-31.)

Eaha râ ia te basileia i tiaturihia e tatou? Tei ia outou na e tatou atoa hoi te maiti-maite-raa i tei hinaarohia i teie â mahana. E au mau here, a imi na, e a haapao hoi i te Evanelia mau a Iesu Mesia, ia noaa ia tatou te tiaraa ia faa-ea i ô Ia'na ra, e a muri noa'tu. Ia orana i te Atua, amene.

Papaiahia e Otero Pereata, Peresideni Mesioni.

E Tuatiraa Teie

E Zenosa Guarule, na farii anei oia i te parau tuuhia mai (heheuraa)? E, ua farii oia i te parau tuuhia mai (heheuraa) na te Ekalesia Sanito. E peropheta anei oia? mai te mea ra e, e parau mau ta te Sanito, e peropheta oia. Te faaite mai nei te parau a te Atua ra e, hoê noa iho taata i te tau hoê i te ao nei o tei maitihia e ana ei farii i te mau heheuraa. E ere ia i te peu a te Ekalesia Sanito. A taio a'e na tatou i te rahiraa o te mau peropheta Sanito o tei parahi i te ao nei i te matahiti 1860. 1, O Iasona Birigi; 2, o Zenosa Gurule; 3, o Dima; 4, o Iosepha tamaiti. E ere anei taua faatereraa i te ohipa a te Fatu ra i te huru faatereraa na te taata ana'e? Oia mau ia. No reira, e hoa ino mâ, a feruri maite na tatou i te maitai e te faufaa o to tatou ora mure ore.

Te piti o te taeraa mai o te parau tuuhia mai (heheuraa) o tei parauhia ra e, ua fariihia ia e Iosepha tamaiti i

roto i te a
Teie ia te
nei Ioseph

Mareko i
Tei roto i
tia ia faat
sepha tam

Ma
feia faater

taata o tei
titeni no t

ia ratou te
ta ratou o
hia e ratou

peresideni
e titau i te

e haamaun
tauturu m

reira i te k
Viliamu M

Eah
uhia ra e,

hoi o Vilia
maiti ra m

Te f
mauraa M

1860, e ina
tuuhia ma

roto i te avae ra ia Mati i te matahiti 1863 (B. F. S. 115). Teie ia te huru o taua parau tuuhia ra. Te haamauruuru nei Iosepha tamaiti i Viliamu Mareko no te mea, na Viliamu Mareko i faātoroa ia'na, ia Iosepha tamaiti, ei peresideni Tei roto i taua pene 115 ra te faaite-raa-hia mai e, e mea tia ia faatoroa ia Viliamu Mareko ei tauturu matamua no Iosepha tamaiti.

Mai teie te huru, te vai nei â te hoê peu i rotopu i te feia faatere i te hau i te fenua ra i Amerika. E piti nau taata o tei maitihia ia tamata raua ia riro i te tahi ei peresideni no te fenua ra i Amerika, e te feia o tei titau ia roaa ia ratou te hoê toroa hau na ratou iho, e rave puai ratou i ta ratou ohipa ia manuia te maitiraa o taata o tei tiaturihia e ratou ra ei peresideni ia riro i te tahi i taua parahiraa peresideni ra, e haere atu ia te feia o tei tiaturi puai ia'na ra e titau i te hoê haamauruuru no ratou iho, e na te pèresideni e haamauruuru ia ratou na roto i te tuuraa atu i te hoê toroa, tauturu matamua e a ore ra tauturu piti. E ere anei te reira i te huru o te heheuraa i fariihia e Iosepha tamaiti na Viliamu Mareko e haamauruuru ia'na i ta'na ra tiaturiraa?

Eaha hoi ia te faufaa i taua heheuraa piti ra tei parahia ra e, ua fariihia e Iosepha tamaiti, no te mea te mau ra hoi o Viliamu Mareko i taua toroa tauturu hoê ia Iosapha tamaiti ra mai roto mai â i te matahiti 1860?

Te faaite papu nei o E. C. Birigi i te parau mau i te maura Mareko i taua toroa tauturu hoê ra i te matahiti 1860, e inaha, te farii ra o Iosepha tamaiti i te hoê parau tuuhia mai (heheuraa) ia faataa faahou o Viliamu Mareko.

Te na ô maira o E. C. Biligi i roto i ta'na parau tâpû e:

“I te amuiraa i te matahiti 1860 te vai ra te hoê tauturu o tei fariihia i roto i te peresideni o te Ekalesia “Faaapihia” ei tauturu hoê. O Viliamu Mareko taua tauturu ra, o teie nei â Viliamu Mereko o tei mau i te toroa Peresideni o te Apooraa Rahi i Navu i mua'tu i te poheraa o Iosepha metua.”

Iritihia no roto mai te buka mau minute no te haavaraa tiaraa hiero, api 199.

E faaite atu â vau e, o taua taata ra o Viliamu Mareko tei na ô atoa mai oia, ia oti roa to'na feruri-maite-raa e, “O te Tino Ahuru ma Piti te mau taata tia ia aratai i te Ekalesia”.

Te parau tuuhia mai i te numera 3, pene 116 B. F. S., o tei tuuhia mai i te 4 no Me i te matahiti 1865.

O te mau faaueraa ia no te faatoroaraa i te taata no roto mai i te nunaa taata ereere (negro race) i te mau toroa i roto i te Ekalesia “Faaapihia”.

Te parau tuuhia mai i te numera 4, pene 117 B. F. S., o tei tuuhia mai i te 3 no Mati i te matahiti 1873

Te Vai Atura